

04 MAR 1999

DR MAHATHIR TIBA UNTUK HADIRI ISTIADAT PERTABALAN SULTAN

KUALA TERENGGANU, 4 Mac (Bernama) -- Perdana Menteri Datuk Seri Dr Mahathir Mohamad tiba di Lapangan Terbang Sultan Mahmud di sini tengah hari ini untuk lawatan singkatnya ke negeri ini.

Ketibaan Dr Mahathir yang diiringi isterinya Datin Seri Dr Siti Hasmah Mohamed Ali kira-kira pukul 11.45 pagi disambut para pembesar negeri diketuai Menteri Besar Tan Sri Wan Mokhtar Ahmad, para pegawai kerajaan dan pemimpin Barisan Nasional serta rakyat jelata.

Perdana Menteri berada di sini untuk mewakili Yang di-Pertuan Agong pada Istiadat Pertabalan Sultan Mizan Zainal Abidin ibni almarhum Sultan Mahmud Al-Muktafi Billah Shah sebagai Sultan Terengganu ke-16.

Istiadat itu diadakan pada pukul 2 petang ini di Istana Maziah dengan dihadiri kerabat diraja dan kenamaan negeri yang lain.

Dr Mahathir dijangka berlepas balik ke Kuala Lumpur kira-kira pukul 4.30 petang.

-- BERNAMA

SBS AKD